

QVÆSTIO MEDICA.
QVODLIBETARIIS CONCERTATIONIBVS MATVTINIS DISCV-
TIENDA IN SCHOLIS MEDICORVM DIE MARTIS XXX. DECEMB.
 MAGISTRO SIMONE PIETRE DOCTORE MEDICO MODERATORE.

An Facultas à Materia?



AGVNT in sese mutuò quæ materiæ communionem habent. non phantasiæ ludibria Magica, non philtrea, verba, characteres, ligulæ nodus ad soluendam venerem recentiorum fabula : non succubi, incubiq; ad prolem inepti. Agendi modum definit non forma cœca omnis & obscura physico, ipsi autem medico in artis operibus minimè necessaria, sed materia, cui cùm naturalis tùm medica scientia maximè addicta est.



MATERIA simplicium corporum tenuis vel crassa est, nec illa quidem chymicorum planè chimerica principia sãl vcrè *zypros*, sulphur, argentum viuum, sed quatuor elementa primùm & pridem ab Hippocrate constituta, singula quidem aliarum formarum & seminum vacua, mixtionis verò iure omnium capacia. definitorum & sublunarium corporum, quæ omnia mixta sunt, materia solida perhibetur : eaque mollis vel dura, firma vel laxa, rara vel densa.



SOLIDA corpora sibi omninò similia temperiem adsciscunt, fluentibus & meabilibus communem, sed firmiorem : fluunt quatuor humores arterijs æquè ac venis conclusi simul vtiles, soli & sinceri inutiles & mali : spiritus aërei omnes, nulli ætherei corporum verò legibus omninò addicti, meant tenuitate sua potiùs quàm proprio impetu. Ea temperies mixtio est, elementarium qualitatum vnio, temperata nusquam si ad balancem & amissum reuocetur, intemperatæ major vsus & necessitas ad vitæ vsum, effectûmque medicum cuius præmonstrator gustus non tactus.



VSTVM afficit temperies non sola quæ per se parùm efficax est, sed ei adiuncta materia terrena, aquea, aërea, & ignea, quæ septe[m] tantum parit saporum differentias salis chymici expertes, facultatum varia item discrimina pro vario instituto non modò calefaciendi, refrigerandi, humectandi, & exsiccan-di quod est perexiguum, sed incidendi, attenuandi, detergendi, replendi, roborandi, & contra, vt corporis moles alendo sustentetur & certius immutetur medicando.



CONFORMATIO distincta numero, magnitudine, situ arctissimâque vnio partium solidarum propria est, sed animatarum quales nullæ sunt in metallis, ab hac conformatione non à temperie pendet aptitudo agendi, siue facultas viuentibus attributa, quæ inde organica nominantur, eiusque facultatis tuendæ & corroborandæ præcipua ratio est in firmanda earum partium solidarum substantia, quam *πρωμα* græci vocant in visceribus *πρωμα*, firmatur autem non formali aliqua qualitate vt cephalica, cardiaca, hepatica, ficta sãnè ad libidinem Arabum, sed materiali cuiusmodi est adstrictio particeps terrenæ materiæ seu consistentiæ.

Ergo facultas à materia.

Asserebat PETRVS de BEAVRAINS Parisinus, anno R. S. DC. XIV.

DOMINI DOCTORES DISPVTVRI.

*M. Philbertus Guibert.
 M. Ioannes Pierre.
 M. Ioannes Cousin.*

*M. Hieronymus Goulu, Prof. Reg.
 M. Syphorianus Haurin.
 M. Henricus Blacuod, Med. Reg.*

*M. Richardus Mercet.
 M. Simon Bazin.
 M. Nicolaus Pierre.*

